

Á CONSELLERÍA DE SANIDADE

Miriam Rodríguez Sierra, maior de idade e con DNI [REDACTED], en nome e representación do **COLEXIO DE TRABALLO SOCIAL DE GALICIA**, CIF [REDACTED], con domicilio na rúa Dublín, 6, baixo, CP 15704, ante este organismo e D I

Tras as multitudinarias consultas e preocupacións das profesionais do Traballo social a este colexio profesional respecto ao Plan de vacinación, e a falta de resposta nas reclamacións realizadas por este organismo as diferentes administracións, elaboramos de novo as seguintes consideracións:

Primeiro.- Tras a análise da estratexia de **Vacinación fronte a COVID-19 en España**, publicada polo Ministerio de Sanidade —en Fase 2 neste momento— e o **Plan Galego de Vacinación fronte ao SARS- COV-2 na Comunidade Autónoma de Galicia**, establecece a **orde de prioridade cronolóxica dos grupos de poboación a vacinar** tras realizar unha avaliación en función de criterios que inclúen o risco de exposición, de transmisión e de enfermidade grave, así como o impacto socioeconómico da pandemia en cada grupo de poboación.

Neste senso, o Ministerio de Sanidade recomenda na 2ª Fase da Estratexia de Vacinación, vacinar a “outros grupos prioritarios” nos que inclúe a “**Traballadoras/es cunha función esencial para a sociedade menores de 55 anos**” .

Segundo.- Á súa vez, a Orde SND/295/2020 *por la que se adoptan medidas en materia de recursos humanos en el ámbito de los servicios sociales ante la situación de crisis ocasionada por el COVID-19*, publicada o pasado 26 de marzo, declaran os **Servizos Sociais como esenciais en todo o territorio nacional —Traballo social como profesional de referencia** (artigo 24 da Lei 13/2008 de Servizos Sociais de Galicia)—, como unha medida para protexer o benestar, a saúde e a seguridade da cidadanía na loita contra o COVID-19. Entendemos por servizos esenciais os necesarios para o mantemento das funcións sociais básicas, a saúde, a seguridade, o benestar social e económico da cidadanía e o eficaz funcionamento das institucións do Estado e as Administracións Públicas.

Terceiro.- As e os Traballadores sociais atenden directamente a persoas vulnerables, doentes e familiares. A problemática social de cada persoa que require da atención dunha traballadora social **trae consigo a necesidade dun contacto diario** (incluso nos seus fogares coas visitas domiciliarias) que provoca un risco de exposición e posterior

transmisión do virus a outras persoas usuarias que xustifica, aínda máis, a vacinación prioritaria.

Polo tanto, **por realizar labores esenciais e non dispor dunha ubicación na estratexia, resulta desta unha desprotección de profesionais do Traballo social que atenden en primeira liña a toda a cidadanía e en todos os ámbitos do Sistema,** tanto no sector público como no privado.


Cuarto.- Indicar que noutras comunidades Autónomas xa están procedendo a vacinar ás e aos Traballadores sociais seguindo as recomendacións da última actualización da Estratexia de Vacinación fronte a COVID-19 en España, **contando coa colaboración dos colexios profesionais**—Colexio de Traballo social de Tenerife e Madrid, por exemplo— para a necesaria planificación das profesionais.

Este organismo ofrece a súa total e sincera colaboración como un aliciente fundamental para o éxito do proceso de vacinación.

En virtude do exposto, **o Colexio de Traballo Social de Galicia** lembramos que as e **os profesionais do Traballo Social asumen un risco incrementado** —tanto na Administración pública como no terceiro sector—, de exposición e transmisión do coronavirus polo contacto prolongado e frecuente coas persoas usuarias, en detrimento da seguridade e a saúde das dúas partes implicadas no proceso de intervención social.

Polo tanto, **solicitamos máis información respecto ao lugar onde se ubicaría ao noso colectivo dentro do Plan e que e se proceda a vacinar ás e aos traballadores sociais, seguindo a estratexia de Vacinación fronte a COVID-19 publicada polo Ministerio de Sanidade,** e protexer así ás profesionais que para combater a pandemia soportan riscos significativos e cargas adicionais na súa dedicación para salvagardar a saúde das demais persoas arriscando a súa propia.

En Santiago de Compostela, 11 de marzo de 2021


Asdo. Miriam Rodríguez Sierra
Presidenta do Colexio Oficial de Traballo Social